

Historiado Dufi Kock

Mas persona a keda reconoci como victima di guerra



**Historiado y escritor Arubano
Sr. Dufi Kock.**

ORANJESTAD – Recientemente e Historiado Dufi Kock a ricibi un carta di Sr. Jos Rozenburg, un Kapitein-luitenant cu ta trahando na e Ministerio di Defensa na Den Haag, Hulanda. Jos ta un persona cu, conhuntamente cu ayudo di Edric Croes di Archivo Nacional Aruba, Sr. Kock mes y otronan na Antias ta recomenda personanan di e seis islanan den Caribe Hulandes, cu a muri durante e di Dos Guerra Mundial na e Fundacion di Santana di Guerra (Oorlogsgravenstichting) na Den Haag, como victimanan

di guerra. Den e carta Jos a informa cu tres Arubiano cu tabata abordo di e barco di bela Gaviota durante e di Dos Guerra Mundial y misteriosamente a perde nan bida, awor a wordo reconoci como victima di guerra.

E anochi di 2 di juni 1942 e barco aki, hunto un otro barco Sally a sali for di waf di Oranjestad rumbo pa Santo Domingo, manera custumber pa busca fruta y cuminda for di Santo Domingo pa nos islanan. Pero ningun di nan ta yega nan destino. Abordo di Gaviota tabatin tin tres Arubiano y dos Dominicano. Algun informacion cu tin riba nan ta:

Capitan: Arturo Fernando Verhoeks
Nace: Maart 27, 1900
Tata: Hendrik Gregorius Verhoeks
Mama: Helena Miguelina Winterdaal

Coki: Bartolo Tromp
Nace: December 4, 1898
Tata: Jose Tromp
Mama: Thomasa de Vi-

aneubas

Matros: Pieter Dijkhoff
Nace: December 5, 1902
Tata: Jan Ambrosius Tromp
Mama: Bernadina Eckmeyer

Recientemente a bin haya sa for di archivo di guerra na Alemania cu Sally a wordo torpedia y hundi pa e submarino Aleman U-159 y tur tripulante a perde riba lama. Pero pa Gaviota nada ta ser registra den e archivo aki. Pero ta sospecha cu ta e mesun submarino Aleman U-502 cu a dreña waf di Playa dia 17 di februari 1942 por a torpedia y sink e barco aki door cu e tabata den vecindario.

Tres aña pasa, dos ex-Schutter local, Srs. Elias Lacle y Crismo Willems, tambe a ser reconoci pa Oorlogsgravenstichting. Awor tin cinco nomber cu mester wordo agrega riba e plakkaat di e monumento nacional.

Sr. Rozenburg tin un lista di 37 persona cu el a recomenda. Carta a bay pa gobernadornan di e seis islanan pa manda e peticion pa e comision na



Submarino Aleman durante di dos Guerra Mundial.

Den Haag.
Sr. Kock ta pidi encarecidamente, si cualkier famia di e tres victimanan por tuma

contacto cu su persona na telefon 5841201 of na celular 5929417 of tambe via e-mail dufikock@gmail.com. □